

Uunga siunnersuut: Inatsisartut Ombudsmandiata 2017-imut ukiumoortumik nalunaarutaata Inatsisartunit tusaatissatut tiguneqarnissaanik Inatsisartut aalajangiiffigisas-saattut siunnersuut.

(Inatsisinut Ataatsimiititaliaq)

Akissuteqaat

(Naalakkersuisut Siulittaasuat)

Siullermeerneqarnera

Aallarniutigalugu ombudsmandip 2017-imut ukiumoortumik nalunaarutaanut aammalu ombudsmanditut atorfimmini suliarisimasai pillugit ombudsmandi qutsavigerusuppara.

Naalakkersuisut nalunaarusiaq soqutiginarillugu atuarpaat Inatsisitigullu aalajangersagaan-ngitsumik naammagittaalliornermut atatillugu qitiusumik allaffeqarfimmi oqartussat aqqis-sugaanerat Ombudsmandimit immikkut isiginiarneqarsimanera maluginiarlugu. Tassunga atatillugu oqartussat aqqissugaanerannut takussutissaq Naalakkersuisut nittartagaanni saqqummiunneqarsimanera ilisimatitsissutigineqarsinnaavoq. Immikkoortortat naalakkersuisoqarfimmiittut naalakkersuisoqarfimmut ilaasutut isigineqarnersut imaluunniit naalakkersuisoqarfimmut pineqartumut qullersaqartitsineranut appasinnerusoqartitsinerumullu atatillugu immikkoortortatut namminersortuunersut tassani takussutissami takuneqarsinnaavoq. Naalakkersuisut taanna takussutissaq atorlugu qitiusumik allaffeqarfimmi oqartussat aqqissugaanerannik erseqqissaasimapput.

Naalakkersuisut taamatut oqaaseqarlutik Inatsisartut Ombudsmandiata 2017-imut nalunaaru-siaata Inatsisartunit tusaatissatut tiguneqarnissaa taperserpaat.